

59.

1380 August 30

Peter Ruswin vermacht den Kindern von Hermann Buln eine Wiese als Erbe.

fol. 11v Wisset das Peter Ruswin vor uns ist komen in unsern vollen rat und hat vordechtlich mit guten willen Hermans Buln kinder, genant Hensel, Mathes, Elizabet, Kath(erina) und Lorenczen, gegeben ^aund 5 sy namen gewinnen^a) dy wise, dy vor unser lieben vrawen tore gelegin ist und von dem rate czu lehen get czu eyne rechten erbe, also das eyn kint sal also gut recht^b) an der wisen habe als das andere, und ob eyn kint ab^c) sturbe, so sals uf dy andern gevallen. Und Ruswin hat dy vorbenante wise den obgenanten kinden uf gelasen und hat sich der williclich vor uns vorzigen und hat si den kinden lase schribe in ir geschoz. Ouch ist geret, ob Herman Bule, der kinder vater, di kinder bete und dy uberqueme, das si ym iren willen darczu geben, dy wise czu vorkaufen, das sal in der rat, wer rat ist, nicht gestate, das dy kinder erbelos werden. Actum anno domini M° CCC° LXXX° feria quinta post decollacionem sancti Johannis.

a-a) am linken Rand, Einfügestelle (wahrscheinlich falsch) gekennzeichnet b) folgt durchgestrichen recht c) über die Zeile geschrieben

60.

1380 August 25

Ilse Holzborn vermacht Cunzen Holzborn ihre Güter.

fol. 11v Wisset das vrawe Ilse, Holzborns eliche wirtin, vor uns ist komen in unsern vollen rat und hat vordechtlich mit guten willen Cunczen Holczborne uf gelasen alle dy gute und erbe, dy si hatte und ouch^a) di si von irme vorders wirtu Nickel Prossen an gestorbin sint, dy von dem rate czu lehen gen. Ouch sal si iren dritteil behalde an alle den guten, dy under Holczborne dirsterben innewendig und ussewendig, wy dy namen haben, ane allerleye widersprache. Actum anno domini M° CCC° LXXX° sabbato post Bartholomei.

a) über die Zeile geschrieben

61.

1380 September 16

Nickel Schakan verkauft ein Stück Acker.

fol. 11v-12r Wisset das vor uns ist komen in unsern vollen rat Nickel Schakan und hat Cunrad Holczborn eyn stucke ackers vorkauft czu eyne rechten erbe, das in